

LEKALA LA TEKANO BACHA LE NTŠETSO PELE EA SECHABA

LEKALA LE RAPALATSA TORO EA MOHLOMPHEHI TONA-KHOLO EA
LENANEO LA SEBABATSO HO BACHA BA LESOTHO

.....
SEBABATSO KE TORO EA MOHLOPHEHI TONA KHOLO E RERETSOENG HO
AKOFISA KHOLO EA MORUO KA HO FOKOTSA LIQHOLOTSO TSEO
LIKHOEBO TSA BACHA BA KOPANANG LE TSONA TSE LISITISANG HO HOLA;
HO TLOHA LIKHOEBONG TSA BOIPHILISO HO EA LIKHOEBONG TSE TLISANG
PHAELLO.

SEPHEO SA PELE SA SEBABATSO; KE HO OTLA BACHA BA BAHOEBI LE
BACHA BA NANG LE BOQAPI BO TLISANG LITHAROLLO MATHATENG A BA
TOBILENG A KANG TLHOKAHALO EA MESEBETSI KA HARE HO NAHA EA
LESOTHO.

SEPHEO SA BOBELI; KE HO HLAISA BACHA BA JOALO SECHABENG LE HO
BATSETELI BA KA KHAHLOANG KE MESEBETSI EA BONA KAPA HO
TLATSETSA KA LITSEBO HO THUSA HORE BA LULE BA LE KHOEBONG NAKO
E TELELE.

SEPHEO SA BORARO; KE HO FANA KA SETHALA HO BACHA HORE BA EME
KA PELE HO BATSETELI, BOEMONG BA NAHA KAPA BOEMONG BA
MACHABA, BA BUELELLA LIHLAISOA, LITSEBELETSO, BOQAPI KAPA
LITALENTA TSA BONA.

SENA SE BOLELA HORE SEBABATSO KE SEHLOHLOLO SEO BACHA BOHLE
LE BA NANG LE BOKOOA BA LOKELANG HO HLAHELLA, HO SA SHEJOE
BOEMO LE MAEMO AO BA HLAHANG HO ONA. KE THABO E KHOLO HO
TSEBISA NTLO E KHABANE KA LETŠOLO LA HO KOPANA LE BACHA
LITEREKENG TSE LESHOME TSA NAHA.

SEPHEO SE SEHOLO SA LETŠOLO LENA LA HO KOPANA LE BACHA KE HO
FANA KA TLHAISO LESELING KA SEPHEO SA LANANEO LA SEBABATSO HO
BACHA BA LESOTHO.

LETŠOLO LENA LE TLA BA TEREKENG TSE LESHOME TSA NAHA KA
MATSATSI ANA:

14-15 HLAKOLA 2024; SETEREKENG SA BUTHA- BUTHE LE QUTHING,
HLAKOLA 2024; SETEREKENG SA MOKHOTLONG LE QACHA

19-20 HLAKOLA 2024; SETEREKENG SA LERIBE LE MOHALE'S HOEK

21-22 HLAKOLA 2024; SETEREKENG SA BEREA LE MAFETENG

23-24 HLAKOLA 2024; SETEREKENG SA MASERU

01-02 THLAKUBELE 2024; SETEREKENG SA THABA TSEKA (MANTSONYANE)

KHOTSO PULA NALA